

PENILAIAN SYARIAH PENGGUNA

ONEXOX SDN BHD

9 September 2016- Sekarang



ONE XOX SDN BHD (1072 886-D)
A Subsidiary of XOX BERHAD

Lot 5.2, 5th Floor, Menara Lien Hoe, No.8, Persiaran Tropicana,
Tropicana Golf & Country Resort, 47410 Petaling Jaya, Selangor Darul Ehsan.



+603 7882 5000



+603 7887 1972



www.onexox.my



[onexox.my](https://www.facebook.com/onexox.my)

Indeks

1. Harga kad SIM dan tambah nilai	3
2. Pembelian ‘validity’ atau pemanjangan tempoh sah	4
3. Pelan Fat Data	5
4. Caj pindahan kredit	7
5. Insentif ‘User-Get-User’	8
6. Pembelian ‘Season Pass’	9
7. Baki Kredit Akaun Pelanggan yang Ditamatkan Perkhidmatan	10
8. Program ‘Online Affiliate’	11
9. Baki Kredit Nombor Pengguna yang Meninggal	11
10. Baki E-Wallet Nombor Pengguna yang Meninggal	12
11. Pertukaran Nombor Pengguna yang Meninggal	12
12. Data, SMS dan Minit Panggilan no. BLACK yang ingin diaktifkan kembali setelah dimatikan (terminated)	13
13. Status Kredit, Data, SMS dan Minit Panggilan no. BLACK apabila proses ‘downgrade’ berlaku.....	14
14. Credit Extension	15

PENILAIAN KEPATUHAN SYARIAH

1. Harga kad SIM dan tambah nilai:

- Harga jualan kad SIM daripada pengedar kepada pengguna adalah RM10.
- Harga jualan tambah nilai adalah berdasarkan kepada nilai muka.

❖ PENILAIAN SYARIAH

- Akad ini adalah **jual beli musawamah/mutlak** diantara ONE XOX selaku penjual dan pengedar selaku pembeli.
- Ianya merupakan akad dimana penjual tidak menyebut harga pokok dan keuntungan yang diperolehinya.
- Akad ini dan juga keuntungan runcit jualan yang diperolehi adalah sah disisi Syara'.

2. Pembelian 'validity' atau pemanjangan tempoh sah:

- Pengguna boleh membeli pemanjangan tempoh sah 6 bulan pada harga RM18.
- Pengguna boleh membeli pemanjangan tempoh sah 12 bulan pada harga RM25.

❖ PENILAIAN SYARIAH

- Akad kepada jual beli ini adalah berasaskan **sewaan** (الإجارة).
- Pengguna membeli dan memiliki nombor, maka nombor tersebut telah menjadi hak pengguna.
- Untuk menjadikan nombor pengguna tersebut aktif dan berfungsi, mereka perlu menyewa fungsi 'validity' iaitu tempoh sah yang dihasilkan oleh sistem yang dimiliki oleh syarikat ONE XOX.
- Subjek ataupun barang sewaan (المَعْقُود عَلَيْهِ) dalam hal ini adalah 'validity' iaitu tempoh sah kepada talian yang dihasilkan oleh sistem yang dimiliki oleh syarikat ONE XOX.
- Tidak timbul isu tempoh sah bertindan kerana, tempoh hayat baru akan dikira selepas tamat tempoh sah yang sebelumnya.
- Akad ini adalah sah disisi Syara'.

3. Pelan Fat Data

Pelan	Kuota FAT data (GB)	Harga (RM)	Kod langganan SMS	Pengaktifan baru atau pembaharuan pelan FAT Data melalui:	Tempoh masa	'Auto- Renewal'
Bulanan	10GB	RM 50	DATA FAT10	Kredit Prabayar/Season Pass	30 hari	Ya
	5GB	RM 30	DATA FAT5			
	2GB	RM 25	DATA FAT2			
	1GB	RM 15	DATA FAT1			
	500MB	RM 12	DATA FAT500			
Mingguan	2GB	RM 10	DATA FATW2		7 hari	Tidak
Harian	1GB	RM 3	DATA FATD1	Kredit Prabayar sahaja	24 jam	
Add-on	100MB	RM 3	DATA ADD 100	Kredit Prabayar/Season Pass	Berdasarkan tarikh akhir langganan data	
	500MB	RM 10	DATA ADD 500			
	1GB	RM 15	DATA ADD 1GB			
	5GB	RM 50	DATA ADD 5GB			

- Pelan data yang ditawarkan kepada pelanggan adalah kuota data beserta dengan tempoh masa. Ini berdasarkan pada terma '**mana yang sampai dahulu**'.
- Sebagai contoh, pelan data 10GB untuk tempoh 30 hari:
 - Ini bermaksud, jika tempoh langgan sudah mencapai 30 hari walaupun kuota data masih berbaki, langgan pelan tersebut dikira tamat. Baki data tidak akan di bawa ke depan.
 - Situasi lain, jika pengguna telah menghabiskan kuota data tersebut dalam tempoh 20 hari walaupun masih berbaki 9 hari, maka langgan pelan tersebut dikira tamat.

❖ PENILAIAN SYARIAH

- Pelan ini tiada masalah dari sudut Syariah. Tiada isu **ketidakjelasan** (الغرر) dalam hal ini kerana ia telah dimaklumkan kepada pengguna di laman web syarikat.
- Subjek ataupun barang pembelian (المَعْفُود عَلَيْهِ) ialah pakej yang terkandung dalamnya **data internet beserta dengan tempoh masa**; ia adalah ibarat pembelian suatu makanan yang mempunyai tarikh luput.
- Ianya bukan pembelian secara berasingan.
- Pengguna juga diberi pilihan untuk tidak meneruskan auto-renewal dengan menghantar SMS 'DATA AR OFF'. Notis peringatan ketika data mencapai 80% dan 100% juga diberikan kepada pengguna melalui SMS.

4. Caj pindahan kredit:

- Caj yang dikenakan sekali sahaja untuk setiap pindahan kredit.
- RM0.25 akan dicaj daripada penghantar, manakala RM0.25 lagi akan dicaj daripada penerima. Jumlah itu akan ditolak dari nilai sedia ada yang dimiliki oleh penghantar dan penerima.

❖ PENILAIAN SYARIAH

- Caj ini adalah kos pengurusan untuk sistem berdasarkan konsep upah (أَجْرَةٌ) atas servis yang diberikan oleh syarikat.
- Caj ini juga telah dimaklumkan kepada pengguna di laman web syarikat.
- Kedua-dua pihak yang melakukan penghantaran dan penerimaan telah sepatutnya tahu berkenaan caj yang dikenakan, maka sebarang pindahan yang dilakukan bererti persetujuan semua pihak terlibat dengan kos yang dikenakan.

5. Insentif 'User-Get-User':

- Pembelian kad SIM berharga RM10 sebagai pengguna sudah melayakkan pengguna menikmati skim insentif ini.
- Pengguna hanya perlu mengesyorkan ONEXOX kepada seberapa ramai kenalan tanpa had.
- Pengguna layak mendapat insentif 6% daripada jumlah tambah nilai yang dibuat oleh kenalan yang disyorkan.
- Tiada yuran, tiada caj tambahan dan tiada komitmen yang dikenakan.

❖ PENILAIAN SYARIAH

- Insentif yang diberi kepada pengguna adalah upah (أَجْرَةٌ) keatas usaha mempromosi ONEXOX.
- Tiada bebanan kepada pengguna.

6. Pembelian 'Season Pass':

- Jualan 'Season Pass' merangkumi pakej seperti panggilan, khidmat SMS dan data internet.

❖ PENILAIAN SYARIAH

- Pembelian data adalah secara pakej atau borong (*bundle*).
- Akad adalah *jual beli mutlak* dan ianya adalah harus.

7. Baki kredit akaun pelanggan yang ditamatkan perkhidmatan

- Baki kredit akan dilupuskan apabila akaun pelanggan ditamatkan perkhidmatan.

❖ PENILAIAN SYARIAH

- Syarikat harus melupuskan baki kredit tersebut berdasarkan kaedah '*Al-Adat al-Muhakkamah*' iaitu amalan kebiasaan yang memberi hukum. Adalah menjadi kebiasaan apabila mana-mana nombor dari mana-mana syarikat telekomunikasi untuk melupuskan baki kredit bagi nombor yang telah ditamatkan perkhidmatan.
- Nombor yang dimatikan bukanlah sengaja dimatikan oleh syarikat tetapi disebabkan kecuaiian atau kealpaan pelanggan yang tidak lagi aktif menggunakan talian yang disediakan dengan tidak menambah jumlah prabayar; ataupun disebabkan faktor keselamatan.
- Syarikat juga telah memuat naik terma dan kondisi di dalam laman web syarikat berkaitan hal ini.

8. Program 'Online Affiliate'

- Pengguna hanya perlu menekan pautan yang disediakan oleh pengedar untuk disambungkan ke laman web XOX yang memaparkan produk yang boleh dipilih oleh pengguna. Pilihan 'add-on' juga disediakan.
- Setelah berpuas hati, pengguna boleh 'checkout' untuk membuat pembayaran sebagaimana yang tertera.
- Simkad akan dihantar kepada pelanggan melalui pos.

❖ PENILAIAN SYARIAH

- Proses jual beli yang sah sudah berlaku di sini, yang mana 'offer' (paparan laman web) adalah 'ijab' daripada syarikat dan apabila pembeli memilih pelan sudah berlaku 'qabul'.

9. Baki kredit nombor pengguna yang meninggal

- Adakah baki kredit termasuk dalam harta yang perlu diwariskan?

❖ PENILAIAN SYARIAH

- Kredit adalah berstatus **sewaan bertempoh**. Justeru, baki kredit tidak termasuk dalam harta pewarisan. Ianya akan terlupus secara automatik jika tidak digunakan selama 2 tahun.

10. Baki E-Wallet nombor pengguna yang meninggal

- E-Wallet adalah harta si mati yang perlu dikembalikan kepada pewaris sekiranya ada tuntutan. Jika tiada tuntutan, E-Wallet dikategorikan sebagai harta tidak dituntut.
- Persoalan lanjut berkenaan dengannya masih lagi bersifat '*iftiradhiyyah*' (*hypothetical*) dan akan dibincangkan bila diperlukan.

11. Pertukaran nombor pengguna yang meninggal.

- Nombor orang yang meninggal layak diserahkan kepada '**penama**' (**waris**) yang diberikan oleh si mati semasa hidupnya di portal sahabat.

❖ PENILAIAN SYARIAH

- Penama adalah orang yang dipertanggungjawabkan oleh si mati untuk menguruskan nombor si mati dengan syarikat. Untuk E-Wallet, penama hanya **pemegang amanah** untuk pengagihan mengikut *faraid* kepada penerima yang berhak.

12. Data, SMS dan minit panggilan no. BLACK yang ingin diaktifkan kembali setelah dimatikan (terminated)

- Apabila pelanggan BLACK tidak membayar bil bulanan selama 2 bulan berturut-turut, syarikat akan mengenakan status 'barred' kepada pengguna (masih menerima masuk panggilan dan SMS),
- Jika bayaran tidak juga dibuat pada bulan berikutnya pengguna akan disekat (blocked) (tidak menerima masuk dan keluar SMS dan panggilan)
- Jika bayaran tidak dibuat juga, langganan pengguna akan ditamatkan (terminated)
- Jika diaktifkan kembali nombor yang sama, segala kredit, data, SMS dan minit panggilan akan bermula dengan baru.

❖ PENILAIAN SYARIAH

- Bayaran yang diambil untuk langganan BLACK adalah **sewa bulanan bertempoh**. kredit, data, minit dan SMS yang dibawa ke hadapan adalah 'tasamuh' (sikap toleransi) daripada syarikat kepada pengguna.
- Setelah ditamatkan akibat tidak membayar bil bulanan, jika diaktifkan kembali, pengguna akan bermula dari sewaan baharu dan tidak timbul premis kredit, data, SMS dan minit panggilan daripada langganan lama perlu dibawa ke hadapan.

13. Status kredit, data, SMS dan minit panggilan no. BLACK apabila proses 'downgrade' berlaku

- Semua kredit, data, minit panggilan, SMS dalam langganan pengguna BLACK jika ditukar kembali kepada pelan prabayar adalah tidak dibawa bersama

❖ PENILAIAN SYARIAH

- Menukar satu pelan ke satu pelan yang lain adalah **merubah jenis sewaan**, sekaligus tidak perlu memindahkan manfaat yang diperoleh daripada pelan terdahulu ke pelan baharu

14. Credit Extension

- Pelan BLACK memerlukan bayaran pendahuluan (*advance payment*) untuk jangkamasa sebulan, dan hanya layak menggunakan apa yang ditawarkan untuk pakej yang dilanggan.
- Syarikat menyalurkan sejumlah kredit pendahuluan kepada pengguna BLACK berdasarkan ‘rekod pembelian’ pengguna tersebut.
- *Credit Extension* boleh digunakan untuk:
 - Penggunaan panggilan dan SMS secara *Pay Per Use*
 - Pembelian *Season Pass, Happy Hour* dan data *Add-On*.
 - Perkongsian data, minit panggilan dan SMS (caj perkongsian)
 - Perisian premium.
- Pelanggan hanya perlu membayar nilai jumlah yang digunakan sahaja tanpa sebarang fee pada kitaran cycle berikutnya.

❖ PENILAIAN SYARIAH

- *Credit Extension* adalah berdasarkan **aqad pemberian hutang** oleh pihak syarikat kepada pelanggan BLACK, bertujuan untuk memudahkan pengguna.
- Kemudahan ini **tidak mengandungi unsur riba** kerana tiada sebarang fee yang dikenakan ke atas pelanggan.

Dikemaskini oleh:

Muhammad Nabil Fikri Bin Mhd Zain

(Eksekutif Syariah/ Setiausaha Jawatankuasa Penasihat Syariah ONE XOX SDN BHD)

Disemak oleh:

Dr Muhammad Nidzam Abdul Kadir

(Panel Jawatankuasa Penasihat Syariah ONE XOX SDN BHD)

Dr. Zaharuddin bin Abdul Rahman

(Pengerusi Jawatankuasa Penasihat Syariah ONE XOX SDN BHD)